



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE

Broj: 01-49-2-121/17

Datum: 17.01.2017.godine

IZVJEŠTAJ

o radu Općinskog vijeća Tešanj za period 1.1. – 31.12.2016. godine

UVODNI DIO

Članom 117. Poslovnika o radu OV-a utvrđeno je sljedeće:

1. Općinsko vijeće obavezno je putem nadležne službe izraditi šestomjesečni i godišnji izvještaj i isti nakon usvajanja na sjednici Općinskog vijeća objaviti.
2. Izvještaj iz prethodnog stava obavezno obuhvata:
 - a) broj donesenih odluka,
 - b) broj primljenih komentara za svaku odluku pojedinačno,
 - c) broj odluka koje su inicirali građani,
 - d) broj održanih javnih rasprava,
 - e) broj građana koji su prisustvovali javnim raspravama,
 - f) broj sprovedenih analiza ekonomske opravdanosti,
 - g) broj građana koji su prisustvovali sjednicama Vijeća i
 - h) prisustvo vijećnika sjednicama Vijeća.

Izvještaj o radu Općinskog vijeća Tešanj za period 1.1. – 31.12.2016. godine predviđen je u prvom kvartalu Programa rada za 2017. godinu.

SASTAV VIJEĆA

U skladu sa Statutom Općine Tešanj (član 13.), Općinsko vijeće Tešanj, kao predstavničko tijelo građana općine Tešanj ima 25 vijećnika.

Sastav Vijeća u mandatu 2012-2016:

- 11 vijećnika - Stranka demokratske akcije,
- 7 vijećnika - Socijaldemokratska partija
- 3 vijećnika - Stranka za Bosnu i Hercegovinu (1 vijećnik prešao u SBB)
- 2 vijećnika - Bosanskohercegovačka patriotska stranka SH,
- 1 vijećnik - Savez za bolju budućnost BiH,
- 1 vijećnik - Liberalno demokratska stranka BiH.

Sastav Vijeća u mandatu 2016-2020


- 11 vijećnika - Stranka demokratske akcije,
- 5 vijećnika - Socijaldemokratska partija,
- 2 vijećnika - Stranka za Bosnu i Hercegovinu,
- 2 vijećnika - Bosanskohercegovačka patriotska stranka SH,
- 2 vijećnika - Savez za bolju budućnost BiH,
- 2 vijećnika - Stranka demokratske aktivnosti,
- 1 vijećnik - Demokratska fronta.

IZVJEŠTAJNI DIO


a. Općinsko vijeće je donijelo 40 odluka, 9 rješenja i 97 zaključaka,

Sagleda li se struktura tema i pitanja o kojima se vodila rasprava i donosili određeni zaključci u izvještajnom periodu najbrojnije su bili prijedlozi odluka (40), informacije (20), rješenja (9), inicijativa (10), izvještaja (9).

Struktura tema i pitanja o kojima se vodila rasprava



U izvještajnom periodu Općinsko vijeće je nakon provedenih rasprava usvojilo ukupno 146 akata i to 40 odluka, 9 rješenja, i 97 zaključaka.



b. Komentara na odluke koje je Vijeće donijelo – nije bilo.

c. Općinsko vijeće je donijelo 12 akata koje su inicirali građani.

d. Održano je 7 javnih rasprava.

e. Javnim raspravama je prisustvovalo 109 građana.

f. Sjednicama Vijeća pored redovnih gostiju prisustvovalo 48 građana.

g. Nije bilo odluka koje su zahtjevale posebnu ekonomsku opravdanost.

h. Prisustvo vijećnika sjednicama Vijeća bilo je dobro, jer su svakoj sjednici Vijeća, od ukupno 25 vijećnika, u prosjeku prisustvovala 24 vijećnika, ili 96 %.

Na ukupno 10 održanih sjednica Vijeća u periodu od 1.1.do 31.12. 2016. godine, uglavnom nakon ranije najavljenog opravdanog odsustva, sjednicama Vijeća nisu prisustvovali slijedeći vijećnici:

1.	Dujsić Amir	1 sjednica Vijeća
2.	Šišić Fuad	2 sjednice Vijeća
3.	Ajanović Ekrem	2 sjednice Vijeća
4.	Kršić Boban	1 sjednica Vijeća
5.	Jašić Haris	4 sjednice Vijeća
6.	Salkić Aida	1 sjednica Vijeća
7.	Unkić Mirza	2 sjednica Vijeća
8.	Galijašević Bernadeta	1 sjednica Vijeća

OSTALO

Općinsko vijeće Tešanj je u periodu 1.1. – 31.12.2016. godine radilo u redovnim javnim zasjedanjima. Održano je ukupno 10 redovnih sjednica od toga 1 je bila tematska i 1 konstituirajuća.

Konstituirajuća sjednica Općinskog vijeća Tešanj za mandatni period 2016-2020 godinu, održana je 16.11.2016.godine, na kojoj je za predsjedavajućeg Vijeća izabran Senad Subašić, a za zamjenika predsjedavajućeg Vijeća Amir Piro. Od ukupnog broja sjednica, tri sjednice održane su u novom sazivu. Sjednice Vijeća u izvještajnom periodu trajale su u prosjeku oko 4 sata.

Na dnevnom redu sjednica Vijeća bilo je 85 tačaka, od čega su 38 ili 45% bile predviđene Programom rada Vijeća za 2016. godinu. Ostalih tačaka 47 ili 55 % bile su tekuće aktivnosti nastale kao posljedica zahtjeva građana, poslovnog svijeta i drugih subjekata pred administracijom. U prosjeku je bilo po 9 tačaka dnevnog reda po jednoj sjednici. Većina Odluka, izvještaja i informacija koje su planirane Programom rada Vijeća za 2016. godinu su realizovane.

Osnovne tematske odluke predviđene Programom rada za 2016.godinu, koje je Vijeće u izvještajnom periodu donijelo, bile su:

- Odluka o visini prosječne konačne cijene m² stambenog prostora za 2015. godinu,
- Odluka o usvajanju Liste kapitalnih projekata za budžetsku 2016. godinu,
- Odluka o izmjenama i dopunama RP "Poslovna zona Bukva",
- Odluka o usvajanju Programa novčanih podsticaja za unapređenje poljoprivredne proizvodnje na području općine Tešanj u 2016. godini,
- Odluka o izmjenama i dopunama Regulacionog plana "Poslovna zona Glinište",
- Odluka o pristupanju izmjeni i dopuni Regulacionog plana "Tešanjka" za naseljeno mjesto Tešanjka,
- Odluka o stipendiranju redovnih studenata dodiplomskog studija (prvog ciklusa) u akademskoj 2016/17.
- Odluka o izvršavanju Budžeta za 2017. godinu

Osnovne tematske odluke koje nisu bile predviđene Programom rada za 2016.godinu (nastale kao posljedica zahtjeva građana, poslovnog svijeta i drugih subjekata pred administracijom), koje je Vijeće u izvještajnom periodu donijelo, bile su:

- Odluka o pristupanju izmjeni i dopuni RP Turističko-rekreacione zone "Kiseljak" Tešanj,
- Odluka o davanju na korištenje nekretnine Javnoj ustanovi "Centar za djecu i odrasle osobe s posebnim potrebama" ZDK,
- Odluka o izmjenama i dopunama Odluke o organizaciji i sigurnosti saobraćaja na cestama,
- Odluka o prodaji nekretnine u Raduši putem licitacije,
- Odluka o izmjenama i dopunama Odluke o općinskim administrativnim taksama i naknadama,
- Odluka o izmjeni Odluke o nazivima i označavanju ulica, trgova i označavanju objekata brojevima na području Općine,
- Odluka o izmjeni i dopuni Odluke o opisu granica, označavanju naseljenih mjesta te numerisanju objekata u naseljenim mjestima na području općine Tešanj,
- Odluka o izmjenama i dopunama Odluke o kriterijima, načinu i postupku raspodjele sredstava udruženjima i fondacijama,
- Odluka o kupovini i prodaji zemljišta neposrednom pogodbom u Jelahu,
- Odluka o prodaji nekretnina radi oblikovanja parcela u Rosuljama,
- Odluka o raspisivanju Javnog konkursa za parcele broj: 5/4 i 5/26 u Poslovnoj zoni Bukva,
- Odluka o raspisivanju Javnog konkursa za parcelu broj: 5/30 u Poslovnoj zoni Bukva,
- Odluka o raspisivanju Javnog konkursa za parcele broj: 325/55 i 325/56 na Krndiji,

- Odluka o poništenju Odluke o kreditnom zaduženju Općine Tešanj za realizaciju kapitalnih projekata,
- Odluka o pristupanju izmjenama i dopunama Regulacionog plana "Poslovna zona Glinište",
- Odluka o dopuni Odluke o osnivanju Muzeja,
- Odluka o prodaji nekretnina zv. "Kod obdaništa" u Tešnju radi oblikovanja parcela,
- Odluka o prodaji nekretnina radi oblikovanja parcele na Krndiji u Tešnju,
- Odluka o odobravanju raspisivanja javnog konkursa za parcelu broj 323/13 u Tešnju na Krndiji,
- Odluka o gubitku statusa javnog dobra-put kod benzinske pumpe na Krndiji u Tešnju,
- Odluka o odobravanju prodaje zemljišta radi izgradnje trafostanice TS 110/35/10 (20)kV Jelah,
- Odluka o zaštitnim zonama i zaštitnim mjerama za izvorište "Tešanjski kiseljak",
- Odluka o izmjenama Odluke o građevinskom zemljištu,
- Odluka o prodaji zemljišta radi oblikovanja parcele na lokalitetu Novo naselje Krndija,
- Odluka o prodaji zemljišta neposrednom pogodbom,
- Odluka o prodaji zemljišta kod zgrade kolektivnog stanovanja na Krndiji,
- Odluka o davanju na korištenje objekta Mjesnoj zajednici Karadaglije,
- Odluka o izmjenama i dopunama Odluke o utvrđivanju Standarda i kriterija za imenovanje na upražnjene pozicije u reguliranim tijelima općine Tešanj,
- Odluka o davanju nekretnina na korištenje u Bukvi,
- Odluka o odobravanju raspisivanja javnog konkursa za nekretnine oznake k.p. broj:5/32 u Poslovnoj zoni Bukva
- Odluka o odobravanju raspisivanja javnog konkursa za nekretnine oznake k.p. broj:5/14 u Poslovnoj zoni Bukva
- Odluka o grbu i zastavi općine Tešanj.

Aktivnosti Općinskog vijeća zasnivale su se na zadacima utvrđenim Programom rada Vijeća za 2016. godinu. Radi ispunjenja odredbi čl. 39. Stav 1. Poslovnika o radu Općinskog vijeća Tešanj na 2. sjednici doneseno je Rješenje o imenovanju Kolegija Vijeća. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo.

Materijali za sjednice Vijeća su uglavnom dostavljani najmanje 7 dana prije održavanja sjednice, čime je redovno poštovana procedura predviđena Poslovníkom o radu Vijeća. Cjelokupan radni materijal planiran za sjednice Vijeća, poslije sjednice Kolegija objavljivan je na zvaničnoj web strani Općine. Ovim činom sav materijal je bio dostupan svim građanima sa ciljem da do početka sjednice preko vijećnika mogu reagovati svojim primjedbama na svaki od predloženih dokumenata.

Vijećnici su u svom radu postavili 64 vijećnička pitanja na koja je odgovoreno, uglavnom do naredne sjednice Vijeća, podnijeli 10 vijećničkih inicijativa i 20 amandmana.

Sjednicama Vijeća su u svojstvu gosta redovno pozivani: poslanici u državnom parlamentu i kantonalnoj skupštini s područja općine, OSCE, kao i predstavnici javnih preduzeća i ustanova, i drugi, kada je razmatrana određena problematika vezana za navedene institucije.

Rad svih sjednica Vijeća bio je javan. Sjednicama su redovno prisustvovali i mediji (TV "Smart" Tešanj). Sjednice su emitovane u jasno definisanom terminu, prva subota nakon održavanja sjednice sa početkom u 20,00 sati u programu TV "Smart" Tešanj i najkasnije u roku od tri dana na NTV "Amna" Tešanj.

Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj (Tešanjaska hronika) i lokalnih radio stanica. Također, rad Vijeća redovno je predstavljan na web stranici Općine Tešanj i Tešanjskom biltenu, te na druge načine (facebook stranici i aplikacije za mobilne telefone). Konačni akti redovno su objavljeni u "Službenom glasniku Općine Tešanj", koji su građanima dostupni i na web stranici Općine Tešanj.

RADNA TIJELA VIJEĆA

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, u Vijeću se obrazuju stalna radna tijela i to: Statutarna komisija, Mandatno-imunitetska komisija, Komisija za izbor i imenovanje, Komisija za predstavke i prijedloge, Komisija za odlikovanja i druga javna priznanja, Komisija za zaštitu čovjekove sredine, Zakonodavno-pravna komisija, Komisija za pitanja mladih, Komisija za budžet, Komisija za ravnopravnost polova, Komisija za primjenu Kodeksa ponašanja vijećnika u Općinskom vijeću Tešanj. Komisija za monitoring nad realizacijom Strategije razvoja Općine Tešanj će postati stalno radno tijelo Općinskog vijeća prilikom prve izmjene Poslovnika o radu Općinskog vijeća.

U izvještajnom periodu održano je ukupno 17 sastanaka stalnih radnih tijela, s tim da Komisija za pitanja mladih, Komisija za odlikovanja i druga javna priznanja, Zakonodavno-pravna komisija, Komisija za primjenu Kodeksa ponašanja vijećnika, Mandatno – imunitetska i Komisija za predstavke i prijedloge nisu održale ni jedan sastanak.

R.br.	RADNA TIJELA	Broj sastanaka od 1.1.-31.12.2016.
1.	Komisija za pitanja mladih	0 sastanaka
2.	Komisija za ravnopravnost polova	2 sastanka
3.	Statutarno-pravna komisija	3 sastanka
4.	Komisija za budžet	3 sastanka
5.	Komisija za odlikovanja i druga javna priznanja	0 sastanaka
6.	Komisija za izbor i imenovanje	4 sastanka
7.	Komisija za zaštitu čovjekove sredine	1 sastanak
8.	Zakonodavno-pravna komisija	0 sastanaka
9.	Komisija za primjenu Kodeksa ponašanja vijećnika	0 sastanaka
10.	Mandatno – imunitetska komisija	0 sastanaka
11.	Komisija za predstavke i prijedloge	0 sastanaka
12.	Komisije za monitoring nad realizacijom Strategije razvoja Općine Tešanj	4 sastanka

S obzirom da je 2016. bila izborna godina, to se odrazilo i na rad Komisija Vijeća naročito u drugom polugodištu. Komisije, kao stalna radna tijela Vijeća, su u prethodnom periodu razmatrale određenu problematiku i donosile određene zaključke, ali većina nije imala konkretnih prijedloga za poboljšanja iz svojih oblasti.

U drugom polugodištu samo tri Komisije su održale radne sastanke: Komisija za budžet 1 sastanak, Komisija za izbor i imenovanje 2 sastanka i Komisija za monitoring nad realizacijom Strategije razvoja Općine Tešanj 3 radna sastanka.

Statutarno pravna komisija je u prvom polugodištu imala 3 radna sastanka i tada je pokrenuta procedura za izmjenu Poslovnika o radu Općinskog vijeća. Komisija je uputila dopis političkim strankama koje participiraju u Općinskom vijeću da dostave prijedloge shodno zaključku Vijeća koji je usvojen na 37.sjednici. Jedan dio prijedloga za izmjene i dopune Poslovnika koji su pristigli Komisija je razmatrala ali drugi dio nije razmatran jer Komisija nije imala kvorum, iako je Predsjednik Komisije više puta sazivao sastanak.

Općinsko vijeće Tešanj je na svojoj 39. sjednici održanoj 31.04.2016.godine imenovalo Komisiju za monitoring nad realizacijom Strategije razvoja Općine Tešanj u sastavu: Šišić Fuad, predsjednik, i članovi Hadžalić Muhamed i Hadžiselimović Venan, a na osnovu zaključka koji je Vijeće usvojilo razmatrajući Informaciju o realizaciji Strategije općine Tešanj na 37. sjednici održanoj dana 29.1.2016. godine, a isti glasi:

1. U narednih 60 dana pripremiti prijedlog rješenja o imenovanju Komisije Općinskog vijeća za monitoring nad realizacijom Strategije razvoja Općine Tešanj. Ova komisija bi imala zadatak da periodično prati napredak u realizaciji Strategije, te da definiše odgovarajući oblik i sadržaj informacije za Općinsko vijeće na temelju koje bi Općinsko vijeće bilo sposobno jednostavno i jasno da ocijeni napredak, vidi ograničenja i prilike, te mjere koje će se poduzimati i nove rokove.
2. Komisija treba da broji tri člana sastavljena od osoba koje imaju iskustvo u razvoju i praćenju strateških dokumenata, radu lokalne uprave u cjelini i izvještavanju.
3. Komisija Općinskog vijeća za monitoring nad realizacijom Strategije razvoja Općine Tešanj će postati stalno radno tijelo Općinskog vijeća prilikom prve izmjene Poslovnika o radu Općinskog vijeća.

Komisija je održala četiri sjednice, te usvojila sadržaj i oblik informacije, usaglašeni su dokumenti koji će po sadržaju i strukturi biti osnov budućih informacija o realizaciji Strategije razvoja općine Tešanj prema Općinskom vijeću i odredila naredne korake koji su u realizaciji.

Općinsko vijeće je u izvještajnom periodu donijelo sljedeća Rješenja:

- Rješenje o imenovanju Komisije za monitoring nad realizacijom Strategije razvoja Općine Tešanj,
- Rješenje o razrješenju i imenovanju člana Komisije za budžet,
- Rješenje o razrješenju i imenovanju člana Statutarne komisije,
- Rješenje o imenovanju Komisije za izbor i imenovanje.

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, obrazuju se i povremena radna tijela. Općinsko vijeće je u izvještajnom periodu donijelo dva rješenja i to:

- Rješenje o produženju mandata drugostepenoj Komisiji za rješavanje po žalbama protiv rješenja općinskih organa uprave,
- Rješenje o imenovanju Komisije za provođenje javnog nadmetanja-licitacije u postupku prometa općinskim zemljištem.

REALIZACIJA ZAKLJUČAKA

Uvidom u hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da je zaključke donesene od strane Općinskog vijeća Općinski načelnik i administracija uglavnom i realizirala u predviđenom roku, a da je u toku realizacija preostalih zaključaka. Općinsko vijeće se informiše dostavljanjem pisanog pregleda svim vijećnicima u prilogu polugodišnjeg i godišnjeg Izvještaja o radu Općinskog vijeća.

ZAKLJUČCI

- a. Kada se ima u vidu ukupna realizacija planskih i vanrednih aktivnosti, može se konstatovati da je Općinsko vijeće u periodu 01.01. – 31.12.2016. godine uspješno realizovalo svoju ulogu.
- b. Većina odluka je usvojena jednoglasno.
- c. Aktivnost vijeća se ogleda i kroz usvojene zaključke (97) od kojih je većina realizovana.
- d. Radna tijela Vijeća da u narednom periodu budu aktivnija u smislu praćenja i razmatranja prijedloga odluka i drugih akata iz nadležnosti Vijeća i intezivnija u smislu većeg broja konkretnih prijedloga zaključaka, inicijativa i preporuka iz svojih oblasti prema Vijeću.
- e. U cilju transparentnosti rada ovaj Izvještaj će biti objavljen na zvaničnoj web stranici Općine Tešanj i jednim dijelom u narednom broju Biltena, te tako dati priliku i građanima da se upoznaju i putem ove zbirne informacije o radu Općinskog vijeća Tešanj.

PREDSJEDAVAJUĆI VIJEĆA

Senad Subašić, dipl.oec.